



ӨВӨРХАНГАЙ АЙМАГ  
ХУЖИРТ СУМЫН ЗАСАГ ДАРГЫН  
ЗАХИРАМЖ

2022 оны 02 сарын 20 өдөр

Дугаар А/25

Хужирт сум

Хязгаарлалтын дэглэм тогтоох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 59 дүгээр зүйлийн 59.1.12, Мал, амьтны эрүүл мэндийн тухай хуулийн 18 дугаар зүйлийн 18.2 дахь заалт, Монгол Улсын Засгийн газрын 2018 оны 266 дугаар тогтоолын 2 дугаар хавсралтаар батлагдсан “Хорио цээр, хязгаарлалтын дэглэмийн үед хэрэгжүүлэх үйл ажиллагааны журам”-ын 6 дугаар зүйлийг тус тус үндэслэн ЗАХИРАМЖЛАХ нь:

1. Тус сумын Шунхлай 5 дугаар багийн иргэн Мөнхбатын Жавхлантөгсийн үхэрт малын гоц халдварт шүлхий өвчний эмнэл зүйн шинж тэмдэг илэрсэн тул сумын Мал эмнэлгийн тасгийн саналыг үндэслэн 2022 оны 02 дугаар сарын 20-ны өдрөөс эхлэн тус багийн нутаг дэвсгэрийн тодорхой хэсэгт 14 хоног хязгаарлалтын дэглэм тогтоосугай.

2. Хязгаарлалтын дэглэм тогтоосон нутаг дэвсгэрт байгаа малтай өрхүүдийн малд тандалт шинжилгээ хийж, ариутгал халдваргүйжүүлэх арга хэмжээг шуурхай зохион байгуулж ажиллахыг “Гонир манал” мал эмнэлгийн малын их эмч Ш.Байгальмаа, 5 дугаар багийн Засаг дарга Ц.Лхамролом нарт тус тус үүрэг болгосугай.

3. Хязгаарлалтын дэглэмийн үеэр 3 хяналтын пост гаргаж техник хэрэгсэл, хүн хүч дайчлан удирдлага зохион байгуулалтаар хангаж ажиллахыг Засаг даргын Тамгын газрын дарга З.Цэцэгмаа, Эрэн хайх, аврах бүлгийн бүлгийн дарга, ажиллагааны зааварчлагч Д.Баянсан, шаардагдах шатах тослох материал, халдваргүйжүүлэлтийн хувцас хэрэгсэл, ариутгалын бодисоор хангаж ажиллахыг Санхүүгийн албаны дарга Д.Уранчимэг нарт тус тус даалгасугай.

4. Тухайн нутаг дэвсгэрт нийтийн хэв журам хамгаалах, олон нийтийн аюулгүй байдлыг хангах, тээврийн хэрэгсэл болон хүн малын хөдөлгөөнд хяналт тавьж, гэмт хэргээс урьдчилан сэргийлэх ажлыг зохион байгуулж ажиллахыг Цагдаагийн тасаг, Цагдаагийн тасгийн дарга, хошууч (Х.Түмэнбаярт) даалгасугай.

5. Хязгаарлалтын дэглэм тогтоосонтой холбогдуулан малчид, мал бүхий иргэдэд үүрэг болгох нь:

а. Мал, амьтанд шүлхий өвчний шинж тэмдэг илэрсэн тохиолдолд 12 цагийн дотор сумын Онцгой комиссын 80053311 дугаар утсанд дуудлага өгч мэдэгдэх;

б. Мал сүргээ тогтмол хариулга маллагаатай байлгаж, бусад айлын малтай нийлүүлэхгүй байх;

в. Халдварт өвчин гарсан бүс нутгаас малын шилжилт хөдөлгөөн болон малын гаралтай түүхий эд бүтээгдэхүүн худалдан авахгүй байх;

г. Морины уралдаан, шургуу зэрэг арга хэмжээ зохион байгуулахгүй байх;

6. Захирамжийн хэрэгжилтэнд хяналт тавьж ажиллахыг сумын Онцгой комиссын орлогч дарга Б.Дэмбэрэл, Мал эмнэлгийн хяналтын Улсын байцаагч Б.Ичинхоролцэвэлмаа нарт тус тус даалгасугай.

ЗАСАГ ДАРГА



Т.БАЯРМӨНХ